

Թեան մէջ պրպտել է նա այդ բոլորը եւ անցուցեր իր անզուգական վրձինին տակ, հառաչելով ու արտասուելով...

Ահա Ռշտունեաց ձորերու եւ «Վռչիկներու» հակիրճ նկարագրութիւնն ալ՝ «Կայծեր» էրկրորդ հատորին մէջ.

... «Անցնում էինք Արտուսի ոլորապտոյտ ձորերով, նեղ փապարներով եւ մթին կիրճերով: Մարդ կարող էր բոլորովին կորչել, անհետանալ... Ռշտունեաց գաւառի լեռնային ցանցը... մի մեծ ծուղակ է, որ, կարծես, այդ փմահան լեռները պատրաստել են մարդիկ որսալու համար: Մենք խալխափում էինք այդ ծուղակի մէջ: Երբեմն հանդիպում էին մթին անտառներ... ուղեւորների խմբեր, որ գնում էին մերձակայ արօտատեղիները, իբրև անասունների մօտ: Նայելով այդ անտառներին, նայելով այդ մարդիկներին, ինձ քոււմ էր, որ այդ վայրենի, լեռնային երկրում ամէն ինչ նոյնպէս խիստ էր, որպէս շրջակայ բնութիւնը: Վաղեմի դիւցազունների փոխարէն՝ ապրում էր մի խոշոր ժողովուրդ. վաղեմի հրակայ անտառների փոխարէն՝ ամենի ծառատունկ: Բայց անցեալ փառքն ու մեծութիւնը մաշել, տրորել էր ժամանակը... Միայն իր վեհութեան մէջ մնացել էր անխորտակելի Արտուսը:

... Մտածում էի, ե՞րբ պէտք է դուրս գանք այդ մթին վիհերից ու վերապներից. գունեւ լոյս լինէր: Հորիզոնը ամէն կողմերից փակուած էր բարձր լեռներով: Հեռուն չէր երեւում: Նայում էի դէպի երկինք, ճիւղագոյն ամպերը լողում էին օդի մէջ: Նրանց մի կողմը ոսկու գոյն էր ստացել: Երեւի արեւը ծագել էր: Բայց մեր գտնուած ձորերի մէջ դեռ տիրում էր գիշերային լսաարը...

... Իմ յոգնածութիւնը բոլորովին փառատուեցաւ, երբ բարձրացանք մի սարաւանդի վրայ, երբ կրկին մեր առջեւ բացուեցաւ կապուտակ ծովը եւ երբ Ասլանը, ձեռքը մեկնելով դէպի մի հին փառքի անբակները, ասաց.

— «Ահա Ոստանը»:

Այստեղ էին քափված հին ամրոցի բեկորները, որոնց փարակոյտը իմ վրայ այն տպաւորութիւնն էր գործում, կարծես դարերի

կործանիչ սասանմունքից յետոյ, այժմ մի հրակայական փարեղէն կմախք իր վիթխարի գլուխը վեր էր բարձրացրել տեսնելու քէ ի՞նչ էր կատարվել իր չորեք կողմում...

...

... «Պէտք է ուղի ընկնել: Ես վերջին անգամ հայեացք ձգեցի անբակների վրայ, վերջին անգամ նայեցի դէպի ծովը... Ինձ քոււմ էր, որ ալիքների մեղմ մեղեդիի մէջ ես լսում էի արձագանքը մի փողոց նուագածութեան, որով Ռշտունեանց գոսանները գուարնացնում էին Վասպուրականի հզօր իշխանի ուրախութեան ժամերը: Սահում են դարեր, անցնում են ժամանակներ: Տեսարանը փոխվում է: Վարդագոյն ապակիների վարդագոյն շողերի փոխարէն՝ հոսում են արեան վարդագոյն վրտակներ: Այլեւս ոսկեգօծ նկարների փայլը չէ, որ վառվում է արեւի նստագայքների առջեւ, — այդ հրդեհի բոցն է, որ լափում է փառքի եւ իշխանութեան բոլոր վայելչութիւնները: Լաց ու կոծ է լսվում... աղմուկը սաստկանում է կրակի լուսաւորութեան առջեւ նշմարվում է դաշոյնների փայլը... մարդիկ անորոշ ուրուականների նման խլրտում են... ումանք ընկնում են, ումանք կանգնում են... դահլիճների կործանվող կամարները ծածկում են դիակները... Կրակը ու կոտորածը ոչնչացնում են Ղարա-Մելիքների յիշատակը... Բայց մի կին մի երեխայ կուծփն սեղմած, դուրս է սողում կրակի միջից եւ քաջում է մերձակայ անտառում... Յետոյ քանձր ծուխը ցած է քողում իր սեւ վարագոյրը եւ եղերական տեսարանը անհետանում է մթութեան մէջ...

Ռշտունի՛ք... նրա բնակիչները իւր մթին անտառների եւ սհարկու լեռների նման՝ կոշտ, կոպիտ եւ անխորտակելի են: Հսկայ բնութիւնը ծնել է եւ հսկայ ժողովուրդ: Այստեղ միայն կարելի է տեսնել սահմանակից Հայոց-Ձորի վաղեմի տիտանների վիթխարի սերունդը, որ իր փայլութեամբ բնաւ յետ չէ մնում դրացի սասունցիներից: Չը կարելի տեսնել եւ չհիանալ այդ առողջ, կենդանի, մշտագուարք ժողովրդով: Նա երբեք չէ քափառում, որպէս իր ծմակների մշտականաչ կիպարիսը: Նա երբեք չէ ծերանում, որպէս իր քառուսների դարերու եղելիւնը: Հզօր կուրծքը մերկ, գորաւոր